

皇清文穎續編

皇清文頴續編卷八十二

詩

五言律詩

奉

勅恭題

御筆古幹梅

于敏中

移植江南寺持芳質獨存春風報花信

天意惜孤根韻發生香益寒消斗室溫一枝

真賞在勝絕水邊邨

消息傳春意栽培蘊化機寸心惟鐵石盈手得珠璣
卷裏香餘古

吟邊雪助輝和鹽如可擬應許佐清霏

奉

勅詠太公鐘

劉壎

伊昔鷹揚佐流傳鳧氏鐘聲宏昭立武樂具想酬庸
文勒丹書古青含海岱濃鏗然

天筆振恍向釣璜逢

奉

勅題蕭照瑞應圖

董誥

南渡偷安日而陳景運圖人心懷故國神佑詔貞符
冰雪黃龍府鶯花明聖湖忘仇撐半壁縑素情空厓
古香生趣溢六百載貽今粉飾留符識鑑藏經苑林
風燈同過眼神筆足游心應共中興草

衡平仰

審吟

奉

勅題趙孟堅落水蘭亭

董誥

契帖存真面珍題記雪川精神完五字呵護出重淵

自昔推肥本端應冠甲編弄傳微有緒摹勒溯唐年

焚齋稱好事萬卷錫山求翰墨緣能結烟雲過孰留

古香霏雪繭異采煥銀鈎想見茗溪上豪逾米氏舟

曇礪遺型在天瓶說法真由來希世寶閱盡有情人

玉枕徒工仿梅花未許隣一從邀

睿賞瀟灑出風塵

八柱羅名蹟全圖補益藩延津知有合片石永教存
妙選松珉刻精模蟬翅翻

天題輝寶笈珍重慰王孫

題玉鏤鴛鴦屏應

制

董邦達

握珍留古製鏤羽儷雙形兩兩梯蓮葉飛飛貼翠屏

樓宜珠殿穩影對壁釭停戢翼同鳬藻

恩波沐廣汀

題文嘉高峯遠澗應

制

張若澄

繞澗寒流碧摩天石骨青雲深迷鹿跡泉響帶龍腥
九日看藍水三秋展翠屏烟霞堪供養幽趣託山靈
詠痕都斯坦玉杓應

制

曹文植

西服輪誠後流膏挹注宜琢璆逾木杓列器並龍葵
斗與星分采蘭真玉結蕤衢尊欣遠酌

德柄實先持

恭詠玲峯應

制

董誥

異石超三洞嘉名

錫九天地輿無愛寶仙嶠得層巔肆祀淩風雨嶽崎
足歲年一從邀

拂拭新采照嵐烟

青州傳職貢湖石重圖經封漫後三品開徒藉五丁

何如從咫尺便自獻瓏玲特達珪璋比亭亭峙

紫庭

勺園空石癖輦運未能施自

拔風塵表爭呈巖穴奇一朝成合璧駢瑞儼雙芝匝

匝相輝映安排

福地宜

窺簷何縹緲驚影訝飛來月貫珠千琲霜披玉一堆
喁于新剔竇剝蝕古封苔瓊質烟霞冠寧教佚澗隈
幾餘堪靜對磊磊復磷磷鎚鑿都無跡嵌窪若有神
色臨黃道正潤澈碧池新應笑九華小區區詔世珍
滙文開

秘閣汲古富包函不數酉陽貯真同宛委探五雲從
頂聚萬竅以虛涵

睿性徵仁壽嵩呼願進三

米老皇山石坡仙雪浪峯當年誇勝槩得此陋前蹤
千孔垂巖鏡孤根削玉蓉清宵甘露盎紫翠沃春茸
物華方獻瑞擢秀近文房幾面平如拭千尋勢欲翔
星光騰

寶砌雲液

灑奎章永麗蓬壺景琅玕耀縹緗

敬題科爾沁卓里克圖親王拉旺所

進白鷹六首應

制

文寧

紫塞霜威重青霄雪羽新
瑤光鍾粹白金氣毓精純
颯爾頻翻翻軒然迴致身
名藩持表潔縹緲貞

楓宸

騰瞥來西極雄姿意氣看

墀旁森鵠立韞上企鵬搏
側睨金眸炯雙擊玉爪親
豈惟凡鳥擊定足辨臯鷺

百中知無敵分明鷲性存
磧沙踰大漠闕月入平原

矯矯神何王棱棱勢欲騫離塵饒素質一鶚漫同論
是日

軒楹下光輝拂拭增俊逾支遁愛蒼異郅都稱頭角
看如此樊籠得未曾會除三窟盡霜翮力堪憑

越雉輪誠入齊烏叶瑞彰等閒排燕雀奮迅挾風霜
鷺序鄰清切鴻儀覲

寵光不凡材並效作頌比麟祥

侔色入霜毫青眞顧視高長風披素練逸氣接寒皇

質儷銀鑾獻珍偕白鳳翱不仁原自遠服猛仰

鈞陶

恭和

御製進張家口元韻

錢陳羣

獵罷回

仙仗雄關護紫烟鳴笳

清蹕近歸雁遠旌連門戶朝雙闕風雲挾九邊迎

鑾來塞上童稚亦歡然

時節重陽後添衣趁薄寒雲低留雪竇風急捲霜萑
遠水侵沙白朝暾染壑丹射雕千里外立馬一回看

恭和

御製石門店二首元韻

陳世倌

曉光迎

玉輦茅屋淡秋烟麥隴翠如織楓林紅欲然蒼鷹摩
曠野征雁寫長天是處豐年景禾麻徧綺阡

野店石門外

鸞旂映曙暉秋山經露洗老樹飽霜肥望

幸村民喜催租縣吏稀

皇心勤保泰夙夜凜時幾

恭和

御製山中杪秋元韻

蔣溥

澗谷秋方好喧寒意頗兼雲衣朝拂桁月鏡夜開奩
樹老紅留影峯奇翠卓尖

皇情時茂對協氣遍堂廉

玉軸環清氣湘簾拂曙光
坵南秋似畫研北午聞香
菊實多延壽葵心祇向陽
登高還踐約擬獻紫莢房

恭和

御製雲淨寺元韻

蔣溥

東嶺依雙樹西風別一天
偶停盤磴馬亦傍隱居田
薜徑聚寒蕐齋廚生午烟
初蒙

宸藻灑紀實是今年

恭和

御製回鑾卽事元韻

陳世烈

鳴鑾度曉城禮佛上崢嶸圓值闕前月歸當雪後晴
草柔迎萬騎柳嫩拂雙旌回憶來時路春光好細評

恭和

御製題香山寺二首元韻

彭啟豐

龍門龕鑿險白傳昔居山秋老橘林實寺幽蘿徑閒
中峯環律岑別澗泝潺湲迴眺招提境衣霑紫翠殷
鑾蹕暫盤旋

宸襟自灑然水兼雲勢出天與樹光連
文室妙香靜詩壇塵慮蠲也參蔬筍味
石磴引吟鞭

恭和

御製奉

皇太后遊虎邱卽景元韻

于敏中

蘭若隱層峯林花淡復濃
慈雲依古佛香市集春農
路拂虹霓影幢高日月容祝

釐歌燕喜仁壽慶躬逢

講堂留片石海湧見高山磴道穿花逕人烟近市闌
閑亭撐突兀幽磴滴潺湲汲井餘修綆銀餅日往還
攬勝浮圖上嵐光納衆青千崖銷虎跡一劍淬霜刃
鐘磬風前響松杉雨後馨橫塘沿七里北屋見盈寧

臣
詩正以親老奏請回籍終養蒙

恩俞允並

御製詩章以賜
臣
拜捧雒誦榮逾常分輒不揣庸陋

敬依

元韻成詩四首

梁詩正

頻年懷陟岵

恩重敢投簪許國人臣分原情

聖主心奇遭過賀監優待媿蘇林吉語從

天降衰親拜

賜深

錫類光榮備皤然雪滿簪平安雖得問遲暮每驚心
潞水舟橫渚孤山鶴在林燕吳雲樹隔辭

陞涕痕深

全家膺

異數廿載列華簪豈味公私義難爲去住心夢迴繁
北闕跡遠寄南林計日重迎

輅邗江烟柳深

回首觚稜側朝朝侍筆簪從容還子舍錫予渥

天心

仙藻傳文陞

恩華艷武林仰瞻同咫尺長矢答

高深

恭和

御製賈島故里元韻

鄒一桂

爲問先生里停鞭駐夕陽空龕會禮佛薄宦愧宸王
詩比青山瘦祠尋白草荒郊寒同蹇澁賢路豈相妨

恭和

御製賈島故里元韻

陳兆崙

詩魂肖山骨故里淡斜陽有數稱才子何人鑄法王
苦吟鶯語澀道服水田荒異代榮

天顧生窮固不妨

恭和

御製趙北口行宮疊前歲韻二首元韻

鄒一桂

牕爲臨流好花初出窻妍

宸遊春省候佳節禁烟前畫舫金隄泊雲旂綵索懸

龍舟橫卷軸何似米家船

蒲芷穿沙綠樓臺映水明行圍循

祖制問俗及鄉評補助民多樂聲聞吏不驚再來欣
賞處猶記昔年情

恭和

御製趙北口行宮疊前歲韻二首元韻

觀保

弭節畿南境重來景更妍烟波新雨後旌旆好風前

傍水松扉啟紫隄柳帶懸遙聞聲欵乃知是打魚船
別館開芳甸波涵一鏡明畫屏呈舊稿翠黛入新評
在藻魚知樂忘機鳥不驚對時思育物吹萬洽

皇情

恭和

御製水村元韻

鄒一桂

曲港舟迴處前村接後村荻蘆春水岸雞犬夕陽門
菰米能供賦魚苗足裕昆紅塵飛不到樂志自天存

恭和

御製水村元韻

孫 灝

芳草堤邊路疎烟水上村
小橋通荻港高柳帶柴門
社酒招鄰曲春盤雜弟昆
堯封

天顧盼擊壤古風存

恭和

御製水村元韻

陳兆崙

野堡連茅屋灣環亦一村
碓音時度澗苔意欲侵門

社酒歡翁媪漁歌率弟昆水仙知有廟斜照繚垣存

恭和

御製水村元韻

德保

滄波看浩渺水外一烟村津口環農舍溪橋對草門
漑田開稻陌繫艇網魚昆似有桃源意悠然雅致存

恭和

御製水村元韻

夢麟

葭爾沙爲岸依然水抱村魚苗閒繞砌鳴母半浮門

簞笠歡朋好煙霞樂弟昆釣竿艇子外多少古風存

恭和

御製雲林石室元韻

德保

傑閣倚山叢凌虛瑞靄通遠溪添漲白晴嶼落霞紅
疊石奇無數飛雲態不窮繽紛揮

御藻詩在畫圖中

恭和

御製得概軒元韻

德保

一軒收萬景高處得澄觀過雨秋山瘦銜霜落葉丹
泉聲分雨澗雲氣護三盤倚檻松陰轉泠泠暮吹寒

恭和

御製得概軒元韻

劉星煒

丹嶂開行殿

金輿度中春嵐光當戶合旛影入雲新陸海看無迹

山祗衛有神

天行羣動遂遊豫感

皇仁

恭和

御製灤陽別墅元韻

程景伊

別墅綠陰稠

霓旌爲少留巖花常帶雨隴麥已成秋斷壑千峯轉

澄泉一鏡流

天機還悟道游息亦藏修

恭和

御製雨中過懷柔縣元韻

顧汝修

雉堞排雲盡山光拂馬前
仍霏昨夜雨頻合數峯烟
禾獻秋盤粒草餘春陌阡
經臨供

睿賞延覽入吟鞭

恭和

御製遙亭行宮對雨三首元韻

蔡新

雲多常釀雨氣爽早知秋
柵葉千林濕薌萁萬寶收
涓涓隨漏下細細繞溪流
屈指旗亭路山程第四郵

聽雨山亭下聞聲亦解煩滌塵原有意驅暑更無言
詰旦浮雲豁征途旭日暄珠旗縈翠嶺整轡度關門
萬壑迷濛影林間起暮烟秋山真卓爾古澗亦泠然
幾暇長濡翰詩成屢擘箋泥清沙磧路叱撥不須鞭

恭和

御製都爾伯特台吉伯什阿噶什來覲封爲親王詩

以紀事元韻

錢大昕

納款弟從兄承

恩襲組纓渾邪泥首服疏勒革心誠湛露三巡洽分
茅五等榮

聖朝綏遠畧陋彼渭橋盟

恭和

御製霜元韻

錢大昕

塞上寒偏早清霜乍降時白沙渾不辨紅葉最先知
暗拂昏鴉翅平添疎柳絲瑤箋傳

鳳藻遙向五雲披

恭和

御製上天竺元韻

金文淳

最上瞻蓮宇羣峯玉斲成
春山呈佛相寶界愜

皇情竹徑盤崖入松雲傍

輦生諸天榮

睿藻香靄散風輕

恭和

御製上天竺元韻

周升桓

琳宇依巖古峯峯秀削成佛香通妙諦山鳥助幽情
鐘鼓穿林遠雲霞傍澗生春光歸路近惟覺曉風輕

恭和

御製表忠觀元韻

杭世駿

祠宇千秋重嘉名錫表忠廟圖綿五世高識冠羣雄
錦樹花仍麗寒潮勢盡東自蒙

天語獎凜凜有英風

恭和

御製表忠觀元韻

孫宗溥

遺廟猶留愛豐碑特勸忠紹封綿世德納土勵羣雄
錦樹神鴉外靈旂返照東

天章褒美處奕葉勗家風

恭和

御製表忠觀元韻

金文淳

納土褒

天語崇祠足教忠衣仍當日錦人亦一時雄綺陌花

常艷澄江水自東

璿題昭日月湖畔颯英風

恭和

御製坐金蓮池上用白居易寄韜光禪師韻元韻

梁詩正

金蓮何處覓鐘鼓梵王家小雨魚吹沫和風雀啣花
纔吟紅蘭栗又茁玉蘭芽池上

懷陳蹟間消石鼎茶

恭和

御製坐金蓮池上用白居易寄韜光禪師韻元韻

蔣溥

池邊巖翠湧雲岫幾人家禪榻一簾雨吟鞭滿樹花
苔錢疑古篆石笋似新芽半偈皈依地松泉好品茶

恭和

御製坐金蓮池上用白居易寄韜光禪師韻元韻

程景伊

翠黛新烟岫金蓮古梵家上人曾枕石刺史舊尋花
吟卷知無敵塵根久不芽緬蹤來徙倚間煮曉泉茶

恭和

御製駐蹕棲霞行宮作元韻

蔣溥

選勝有時憇搜奇無盡藏雲松盤鶴鶴風竹奏琳瑯
迴磴千層落懸厓百丈強夕嵐爭彩翠鍾阜與相當

恭和

御製遊觀音山永濟寺元韻

寶光瓌

江迴疑無地巖迴別有天
龍宮當白下鶴唳想青田
風動水無競春深花欲燃

皇心愜真賞佛日應昌年

恭和

御製遊觀音山永濟寺元韻

劉墉

萬派岷江水蒼茫接遠天
波心浮寶地石髮長香田
花雨空中落珠燈鳥外燃
總憑龍象力砥柱不論年

恭和

御製清舒山館元韻

觀保

幾暇一幽尋
虛齋傍水潄
雲含閒淡意
泉映妙明心
列岫排成幃
疎桐響似琴
清舒機自永
寧假墨池臨

恭和

御製雨中觀瀑元韻

金甌

泉紳遙注壑
雨脚密成叢
一派銀河瀉
千層雲氣蒙
卽看催漲急
應悟發源同
噴薄皆膏澤
淵然

靜鑒中

恭和

御製邇廬元韻

金甌

瞻象

星宮啟規圓復祗平裁邇踰錦帳攢木抵雕甍
與風沙隔偏宜霜月清卷舒憑選勝

幾暇助吟情

恭和

御製贈清書屋元韻

董邦達

乾坤清淑氣盤結此山多置屋冰壺貯看雲碧漢摩
鶴翻松蓋正風細麝香過太古居然似

宸遊慰若何

恭和

御製七月廿四日常山峪行宮作元韻

陳兆崙

風掃石梁晴飛青促去程一泉經百轉後嶺復前迎

麗日開

松牖朱霞卷繡楹七星如列岫

奎藻煥

天營

恭和

御製創得齋元韻

博明

石路山齋靜到門松影深創成符道妙得象契

天心秋發千巖響雲來一院陰重邀

玉輦跡幽賞隔年尋

恭和

御製跋馬元韻

金甡

清道鳴鸞應

皇情策騎便習勞憑健運經武在

身先弓影隨涼月鞭絲拂曉烟行過最高頂吟眺倍
軒然

恭和

御製重遊潭柘岫雲寺疊甲子舊作韻元韻

申甫

潭移浮鉢水山敞布金園嵐翠縈

天仗春風到寺門泉聲分衆派峯勢列諸孫

法駕欣重莅清吟契佛言

村舍無多屋耕山自結隣得依安樂地况是太平人

旂杖迎

鑒出葵心望

幸頻巖居還就日歡忭洽羣倫

十笏開初地

神堯寶墨懸放參千指衆攬勝廿年前石壁龍堂雨
香林栢樹煙

奎章含妙義到處湧金蓮

蹟溯華嚴舊歸途半日留層崖通細路精舍遶寒流
古殿雙鴟吻禪關一指頭竹牕開面面時見嶺雲投
慧日無私照琳宮映綺霞忘機懷水月不染悟絲紗
幽響潛鳴筑靈珠靜握蛇仰瞻

行幄外香雨散團芭

曉嶂列芙蓉霏微瑞靄濃陽和被草木霽景豁心胸
挾藻仍雲岫鳴珂又石淙小臣叨扈從初聽寺樓鐘

恭和

御製香阜寺元韻

尹繼善

古寺隔林低幽然物外棲妙香聞淨土甘雨灑菩提
山鳥歌咸若巖花笑倩兮好乘春水漲一棹過烟溪

恭和

御製寒山別墅元韻

尹繼善

倚松開別墅聽雪坐青山對景晴尤好從遊老尚閑
花飛春色晚樹密鳥聲閒叨在矢音列才疏亦醜顏

恭和

御製灤陽別墅元韻

尹繼善

何年成別墅一徑入雲深虛室風生座高秋月滿林
山明呈畫卷水急響琴音歲歲

遊觀地

揮毫動朗吟

恭和

御製對瀑元韻

申甫

飛泉懸嶺背吼石作龍吟
灝氣銀河瀉天漿北斗斟
隨風還濺玉映日儼鎔金

茂對邀清賞松濤接梵音

恭和

御製駐蹕湯泉行宮作疊壬辰韻元韻

芮永肩

靈山神漢出景物亦清便翠嶂環

行殿丹砂瀉煖泉居仁原默契浴德可言詮勝地留

宸賞

天章仰煥然

恭和

御製駐蹕湯泉行宮作疊壬辰韻元韻

曹仁虎

行館湯山側初程止頓便風和剛放柳谷暖自蒸泉
酈注名堪證湯銘義再詮畿氓瞻

御蹕夾道總欣然

恭和

御製登四面雲山亭子元韻

圖敏

萬樹延秋爽千峯擁翠來周遭青未了迤邐勢初開
傑閣看遙峙

宸遊喜共陪羣山皆拱極日夕氣佳哉

恭和

御製林下一首疊乙未韻元韻

阿肅

密蔭森空翠

幾餘樂靜便松根圍石髮木杪出山肩接葉風斜入
繁柯日細穿槎枒多古意椿老不知年

恭和

御製寫心精舍元韻

劉墉

先後

聖同揆去來今一

心每於精舍憇儼對

古皇臨默省淵源接洪惟堂構任

健行欽樂壽經義愜研尋

恭和

御製啟蹕幸天津用壬子幸五臺詩韻元韻

法式善

仙館華旌度春瀛

玉輅臨

省耕三月典就

日萬民心風軟波揩鏡雲低麥護鉞

聖顏瞻切近

攬轡柳塘陰

恭和

御製碧靜堂題畫元韻

翁方綱

卽堂

拈畫意於畫

證名堂點易叅觀象彈琴喻望羊淡濃環皺綠凹凸
起空蒼一碧涵深靜壺天景正長

恭和

聖製素尚齋疊去歲韻元韻

王杰

樸斲崇真意雕華豈所貪無爲含泰始有美叶坤三
粉壁張

宸藻梨雲護近菴

堯茨垂治本俗尙返淳堪

恭和

聖製林下一首四疊乙未韻元韻
文寧

黃屋

心何與蓬壺境最便

巡方超禹跡

客岳竝堯肩

幾暇雲箋擘思澄月窟穿悠然林下意默契廿餘年

恭和

聖製清舒山館元韻

沈初

芸館依苔逕閒尋偶

憩居山光青入座樹色綠圍書
卓午涼風襲先秋暑
氣除不須丹雘飾

宣詠樂清舒

恭和

聖製清舒山館元韻

戴衢亨

洞天傳福地山館啟

那居淨本超塵界勤猶

問羽書嫩涼生樾蔭空翠落庭除清景怡

宸矚超然萬象舒

恭和

聖製林下一首五疊乙未韻元韻

亮保

繁林看翳薈

睿賞得清便濕翠浮螺髻新陰護鶴肩暑銷風力健

雲漏日光穿

茂對吟嘉蔭靈椿有大年

恭和

御製夜雨

五月十三日夜

元韻

黃鉞

帝座通呼吸

天高直可階靈湫勞

步禱時雨應

心齋踏甕歡茅屋翻盆瀉玉街

宵衣塵清問千里潤應皆

恭和

御製詠白鷹元韻

英和

操縱權歸主非關學習精摩空雙翮健飄雪一身輕
江水松花綠風霜素練橫好當秋獮舉榮傍

玉驄行

恭和

御製寧遠道中元韻

戴衢亨

寧遠遺坊在疆臣昔擁兵遲迴仍乞命奮發尙垂名
信史褒譏定

興朝舉措宏

聖人能將將決策妙經營

恭和

御製過錦州詠事恭依

皇考詩韻元韻

戴衢亨

專閫良材少巖城保障難全軀媿張許佐命詡彭韓

故老傳降將承平重守官

省方經舊壘耕鑿久恬安

恭和

御製策馬登半天樓元韻

戴衢亨

大半飛靈鷲

宸娛控駿騶嵌空盤石磴突兀倚山樓嶺髻千重碎
松鱗一徑修笑他巖穴隱曾未豁雙眸

佳日晴暉迴名區峻賞延浮青來亘野虛白仰瞻天

泉石梯枕外星河岫幌前

登臨詩卽畫珠露染雲箋

恭和

御製戒得堂敬紀元韻

周系英

至聖原無欲

傳中祇一欽幾微猶自凜宥密豈相侵義闡中天揭
福懸皎日臨我

皇兢業意於此倍

單心

恭和

御製用花準神鎗一發獲二鹿元韻 周系英

神技原

天授神鎗兄

帝留烟開霆忽擊火速電同流應響雙雙殪于林濯
濯求飲飛驚歎甚拗怒愧旄頭

賜手鑪一提恭紀

鄒一桂

朔雪遲梅信長途怯曉寒衰年賴溫手暖閣便濡翰
小試龍涎篆分敲獸炭攢

上方榮錫賚彝鼎例同觀

賜鮮荔恭紀

鄒一桂

舊譜珍仙品

新恩得乍嘗所生原福地得氣在炎方不事徵飛騎
偏宜上小航試看香色味何異嶺南鄉

賜龍井茶恭紀

鄒一桂

可是金莖露來從玉井峯白毫新雨後青箬舊瓶封
沁齒清宵渴沾唇醒晝慵候烹魚眼活不數小團龍

蒙

恩賞穿黃馬褂恭紀

英和

有獲皆

天賜章身被

寵光短衣誇外著正色合中央盡擅儒臣美曾聆

聖訓詳歸時壽萱幄元吉是黃裳

恩賜綠皮押縫靴恭紀

英和

十載登雲路趨跲步愧工

恩教占視履臣益厲持躬塞草凝袍紫山花壓帽紅

秋光容領畧緩踏

禁園中

恭謁

福陵

錢陳羣

闕殿層霄上中原指顧中龍蟠嚴宿衛虎峙守遺弓

談笑收諸部山川定一戎卽今丹史在萬載仰
神功

恭謁

昭陵

錢陳羣

自報松山捷曾無指顧勞駢弓秋月滿石馬曉雲高
真統千年接文謨一手操紹庭

天柱近旭日擁神臯

晚香園雜詠用杜工部遊何將軍山林韻

尹繼善

賜第

恩逾重門開榜

御橋松青多入戶竹翠欲干霄石徑如相識煙鬟似
可招天教娛晚景散步足逍遙

絕少紅塵致東軒分外清梁空無語燕春至好聞鶯
印雪思泥爪臨畦憶菜羹娛今兼感舊幾度遶階行
也是瀛洲水分來另一支東西原有岸上下各成池

釣艇行無繫遊魚樂自知臨流時寓目恍似畫圖披
莫謂荒三徑還餘老圃花增高頻覆簣畫足豈成蛇
肯構心常在求安志不賒偷閒聊補葺卻愧未忘家
小築三間屋幽隱面面開掃除迎臘雪安置渡江梅
遊旅分新舊閒雲任去來斜陽看更好隨意坐蒼苔
猶憶棲霞寺雲根響活泉雖忙心落落在夢路綿綿
種樹仍如願買山不用錢新晴宜晚眺月色滿前川
退食從容入惟聞草木香南牕當日暖水閣納風涼

葉老枝頭戀峯低屋裏藏韶光慚不稱鬢髮已全蒼
吾廬吾白愛評論任差池壘石添屏幃移牆去羃籬
閒情耽筆墨樂事對妻兒腰腳今猶健何須策杖隨
不羨棲林鳥時看返岫雲星霜皆過客花木總閒文
百歲知何日三餘惜幾分微嫌衝路近車馬自紛紛
閱歷天涯遍歸來興若何苟完隨處好在得老年多
歡喜常開口登臨屢放歌雞鳴應戒旦歲月莫虛過

姑米阻風

周煌

未似無營國還同不夜城
鐵沙排雁齒銀礫促鼃聲
熠燿爭陰見蜿蜒習水行
故應心腹事營蒯托平生

園居

德保

門裁陶令柳園種邵平瓜
無復塵埃到微聞鳥雀譁
有時課晴雨隨處問桑麻
別具林泉意真成處士家

延禧寺納涼作

德保

僧寮無客到一枕卽羲皇
性定中何熱心清夢亦涼
日移松影靜風過棗花香
門外塵囂滿軒車底事忙

小立

德保

霜花不可止寒色逼深秋遠塞雲一抹空山水獨流
馬頭殘葉墮鴉背夕陽留徙倚蘊廬外閒看麋鹿遊

伊犁軍營

阿桂

欲掃妖氛淨巖疆戰不休人猶爭馬革天已厭旄頭
刁斗三更月關山萬里愁渠魁何日滅非直爲封侯

大軍次永昌有作

阿桂

王師毋盡殺暫從貸餘生一將功何有千軍怒未平

投戈收戰鼓撒幕返春耕仰喜

皇心慰邊陲已息兵

平則門外觀征蠻師出二首

夢麟

日出大旗高霜騰萬馬豪雷霆朝伏壘鼓角晝鳴刀
邊徼歸

仁聖艱虞賴爾曹誅鯨知不遠上答

帝心勞

廟算軒轅帝天兵虎豹羣父兄惟僕射功罪仰將軍

陣轉蠻雲黑關開峒壁曠擒王兼射馬衛霍待銘勲

過朝鮮洞仙關

英和

蓊鬱松陰裏崎嶇路不平一區真畫本數里小長城
石比詩人瘦風隨驛使清山櫟扶掖穩安坐每無驚

留題朝鮮明雪樓

英和

文物衣冠國輜軒使暫停海雲當戶白山樹逼樓青
咫尺天臨赫東南地効靈幾回窮遠目千里望

虞廷

滁州懷歐陽文忠公

英和

曠代人爲守于今地尚靈山多餘舊蹟樹老臥秋汀
忠孝高千古風雲護兩亭扶輪惟大雅珍重簡編青
六言律詩

聖駕六巡江浙詩

陸伯焜

維揚城麗六服于岳時

巡五年

皇心先河後海民事上賦下田通閭展春百二

省方記里三千更慰東南望

幸就瞻

雲日江天

辛壇禮蒞旬日辰筴時逢上春濟濟百僚視篆雍雍
六御言巡繡甸膏融豐玉淀池冰解芳津

蹕路江南江北

皇恩風人雨人

時邁黃圖問俗瞻言闕里尊

師

聖域教傳木鐸虛堂響叶金絲壇杏榮滋
化雨嶽雲晴護春旗行幄初

宣丹稿闡評濟水然疑

錫宴扈臣徧德聯茵環埒臚歡水陸程紆

清蹕耕桑俗跂

和鑾魯甸頻沾

湛露陶莊久底恬瀾谷量吏宣愷樂與斯民籌乂安

五壩節宣盛漲六塘疏剔淤沙清口流渟竹箭下河
浪靜桃花棹石沉菱處處羹魚飯稻家家共迓

安艫天上瞻依夾岸無譁

射陽郭外帆挂甓社湖邊櫂行三十六陂煙水一百
五日清明淮浦潮連瓜步蜀岡山罨江城恰近梅花
官閣竹西鼓吹春聲

山寺樓臺疊翠海門島嶼含青習流笳鼓初振攬景
鑾旂載停千里江天夜月萬家燈火春星最好風恬

浪靜新泉試汲中冷

楚尾吳頭勝地鶯飛草長芳辰林壑明亭暗竇川塗
隻候雙津風日晴開

寄暢桑麻景繪熙春多少田叟邛嫗歡聲齊話

六巡

支硎秀接寒山雲淙千尺潺潺錦市縹川藻野銅坑
雪海雲關虎阜獅林窈窕石湖木瀆彎環

攬勝偶同馳驛觀其大畧

幾閒

一櫂嘉禾烟雨水程便

覽鹽倉舊堰迤連新堰石塘更護柴塘消息南埭北
漲安恬海澨江鄉重與沿隄插柳蟠根永固苞桑
地是湖山有美

恩隨趕路先覃鳳凰嶺上露冕瑪瑙寺前駐驂龍井
跳珠漱玉鷺峯飛翠浮嵐不獨山梁

悅性耕桑

親問農蠶

展駕方臨越甸揚舲又返吳趨北顧南徐迤邐水郵
花港縈紆白下宅留僧紹黃樓韻疊髯蘇已報彭城
河復疇咨尚軫

堯吁

山祇屏營候

蹕川后崇祠薦馨肸鬯

恩周羣祀懷柔禮洽百靈連雲交浪舒翠踈地柳絲

宣青恰值知時甘雨正隨

風駕旣零

傑閣

幾餘登眺壁奎輝映南天學海於斯宗滙文瀾並

許尋沿三萬六千帙弄淵源津溯珠聯漫羨瑯嬛福

地藝林傳寫瑤編

筆路十三普

澤蠲租賜復頻仍會城置頓全免下邑催科半徵鹽

筴已寬竈戶算緡亦減賦
爲是陽春到處彼都萬
井歡騰

作人疊被

釀化皓首觀光願諧九寓咸躋

壽域百齡

特予清階被體華凝黃絹服膺

寵溢銀牌此日枌榆社裏引年誇示朋儕

俞騎前驅戒蹕十行早布春膏已慶彈冠末吏更

塵澀籌微勞園土躋空貫索旌門士洽投醪好是春
帆影裏水衡優逮持篙

給札陳詩第頌擊轅下里臚吟泮壁鸞旂雅化梧岡
鳳翽矢音模範仁山智水瞻依

舜抱堯襟待成藹藹吉士克廣青青子衿

寶帙萬年展慶瑤源

五世延洪六人往事非盛六帝

古稀特隆

行殿星馳送喜扈藩雷動呼嵩正值日南獻賁鵷林
鰈水來同

孔思周情鉅製藻川輝岳

鴻文遲速胥關

至計敬明特闡前聞盛事遊河巡洛賡歌復旦卿雲
日近黃扉

策士

天旋芳籞延薰

題陸洽雪後訪梅應

制

錢維城

山陰清興初發漁父扁舟試拏重碧爲沽新酒小紅
更訪繁花南枝暖映斜日西崦煙凝暮霞誰道石湖
春早不如灞岸寒賒

題文徵明草庵高士應

制

張若澄

採藥紫霞峯曲松風自閉柴門掃逕惟容雨過開簾

但覺雲昏避客囂
塵已遠幽居吾道長
尊彷彿吟成
梁甫何人更枉高軒

題姚公綬竹樹春鶯應

制

彭元瑞

素領黃襟傳色有鶯其羽差池接葉巢
吟杜甫雜花
飛寫邱遲陽春二月三月竹樹生枝枯枝乳燕歸鴻
作伴如聞自在啼時

詠均窰乳耳鑪分體得六言律應

制

阮元

研北牕南清供辛鑊甲鼎同圓濃釉乳堆兩耳碎紋
冰裂雙弦蔥青苴翠比色鐵足銀釘並堅何幸

御香深惹常依

玉皇案前